



MULTICONSULT ASA
Postboks 265 Skøyen
0213 OSLO

Saksbehandlar, innvalstelefon
Ola Betten, 71 25 84 76

Haramsøy vestside naturreservat, Ålesund - dispensasjon for fugleregistrering

Statsforvaltaren viser til mail av 14.06.2020 om dispensasjon frå forbod mot ferdsel i Haramsøya vestside naturreservat i Ålesund kommune. Grunngeving for søknaden er nødvendig ferdsel for gjennomføring av fugleregistreringar i samband med vilkår for vindkraftutbygginga på Haramsøya.

Bakgrunn

I samband med kartlegging av utvalde fuglearter ønskjer Multiconsult å ferdest langs sjøen på vestsida og evt. så vidt innanfor verneområdegrensa oppe på skrenten. Føremålet er m.a. å få oversikt over aktuelle stader for utplassering av AI-kamera.

Statsforvaltaren si vurdering

Søknaden er vurdert opp mot gjeldande verneforskrifter, fastsett ved kongeleg resolusjon 28. mai 2010, sist endra 28 april 2016 (FOR-2016-04-28-448). Etter § 5, 2. ledd, nummer 1 er det forbod mot ferdsel i verneområdet i tida frå og med 1. mai til og med 31. juli.

Statsforvaltaren har heimel for å gi dispensasjon frå verneforskriftene i § 48 i naturmangfaldlova (nml): *Forvaltningsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig, (...).* Vedtak om dispensasjon må også vurderast opp mot prinsippa i nml §§ 8-12, jf. § 7.

- Formålet med Haramsøya naturreservat er å ta vare på eit område som har særskilt verdi for biologisk mangfald og som inneheld trua, sjeldsynt og sårbar natur. Området består av urørte bratte fjellsider med fuglefjellskaraktar, som med strandeng langs foten, sjøområde og holmar utanfor, og naturleg tilhøyrande plante- og dyreliv, utgjer ein viktig hekkelokalitet for sjøfugl som blant anna toppskarv og havhest.

For best mogleg resultat av kartlegginga må kamera setjast ut for å overvake dei delane av hekkesesongen då aktiviteten av aktuelle artar er størst. Dette overlappar med perioden med ferdselsforbod i naturreservata. Verdien av kartleggingane må difor vegast opp mot ulempene som følgjer av eventuelle forstyrringar av hekkefugl.



Fordelane med eit kort besøk i ytterkanten av naturreservatet blir difor vurdert som større enn ulempene som følgjer av eventuelle forstyrringar av hekkefugl. Tilnærminga med kvalifisert ferdsel i dei mindre sårbare delane av reservata i hekkeperioden, oppfyller etter Statsforvaltaren si vurdering krava i nml §§ 11 og 12.

Mange sjøfuglbestandar har hatt ei negativ utvikling gjennom mange år. Dette er i hovudsak knytt til ressurstilgang, men også predasjon verkar negativt, t.d. frå mink, havørn og større måseartar. Forstyrringar kan gjere reira meir utsett for predasjon. Statsforvaltaren legg til grunn at Multiconsult sin aktivitet ikkje vil gi så store forstyrringar at det vil ha merkbar innverknad på hekkebestandane lokalt, regionalt eller nasjonalt, jf. nml § 10.

Statsforvaltaren meiner kravet til kunnskapsgrunnlag er tilstrekkeleg til å vurdere saka, jf. nml § 8. Det er ikkje så stor usikkerheit knytt til saka at føre var-prinsippet får vesentleg vekt.

Vedtak

Statsforvaltaren gir Multiconsult AS dispensasjon frå § 5 i verneforskrifta for Haramsøya vestsida naturreservat til ferdsel i perioden 17. juni til 31. juli 2021. Heimel for vedtaket er § 48 i naturmangfaldlova.

Vilkår

- Dispensasjonen gjeld i perioden 17.06.2021-31.07.2021.
- Multiconsult AS kan ferdast med 3 personar i samla 2 timar innanfor reservatgrensene.
- Multiconsult AS skal ta tilstrekkeleg omsyn til hekkande fugl. Dersom de risikerer å støkke fuglekoloniar, eller dersom fuglane har letta og er urolege, skal de trekke ut frå området.
- SNO ved Kjell Hansen (tlf. 901 64 801) skal kontaktast i god tid før arbeidet blir sett i gong.
- Ein kopi av vedtaksbrevet skal vere med i felt for å vise fram ved eventuell kontroll.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Bjarne Otnes (e.f.)
fagleiar

Ola Betten
prosjektleiar

Dokumentet er elektronisk godkjent